

桃江第一届“天问杯”全国诗联创作大赛

评奖结果公示

诗词类

一等奖（1名）

790

回桃花江

蜚声一曲美人风，路转江村东复东。
山外竹看随处碧，门前花记去年红。
台留胜迹空流水，塔倚斜阳渺去鸿。
游子行行归计拙，乡心此日与谁同。

二等奖（2名）

1058

莺啼序·大美桃江

巍峨雪峰在抱，楚中明珠矣。凭放眼、碧拥朱环，胜景纷若星缀。
倩谁识、潇潇暮雨，荷田柳陌青无际。问茶香稻浪，招邀朋辈犹几。
桃色襟江，竹烟带郭，俨然神仙地。钟鸣处、寺耸浮岚，佛光霞
影交坠。算生涯、相思八九，可分得、此乡三四？探深幽、有瀑长倾，
蓬池瑶水。

钓台藓老，花洞云寒，尘霜久磨洗。且撷取、馨馨兰芷，天问阁
下，恍见当年，大夫杖履。沉川角黍，冲波舟楫，女萝山鬼终难觅，

酹忠魂、怕解怀沙意。湘灵隐隐，许为家国孤醒，再看人间何世。

砢搗梦想，耙印情怀，正道奔如矢。复兴路、初心不徙。古镇繁华，百姓参演，峥嵘故事。村肥笋蕨，民亲鱼鸟，美人窝誉寰球满，喜鹏抃、早趁高风起。秀妍最是今时，花鼓频催，一城灯沸。

029

沁园春·屈原穿越咏桃江

三千年兮，我复来游，故地何如？望旧栽兰蕙，香犹郁勃；新移杨柳，绿正扶疏。窗对青山，门当碧水，新建楼台竹里居。清幽地，爱纤尘不起，恍在蓬壶。

不禁频捋长须。深心慰、民风返古初。喜乡邻淳朴，皆知孝友；儿童烂漫，乐读诗书。逐梦心高，问天志大，一县骎骎迈远途。徘徊久，觅湖山佳处，欲筑吾庐。

三等奖（3名）

039

游桃花江

桃江访胜似渔郎，小艇穿花趁曙光。

屈子千年遗韵地，我来亦染一襟香。

127

天问台怀古

清风未许冷冠襟，远瞩江流欲抚琴。
把盏何酬千里志，登台不负九州心。
天违圣道犹当问，海纳忠言岂畏深。
故土兰桡因尔速，归来倚剑可长吟。

525

沁园春·桃花江竹海观竹

春漫桃江，凉生竹海，翠滴层阴。爱雪峰腾浪，子猷啸咏；碧涛
绝俗，坡老登临。天问台边，美人窝里，更纫青琅高士襟。邀明月，
醉清风奏籁，流水鸣琴。

万丛苍绿愔愔，伴一曲桃花唱到今。道千竿摇处，松梅与友；七
贤游际，霜雪为衾。笛奏清声，云知高节，叶叶枝枝总在心。当良夕，
听萧萧风雨，正起龙吟。

优秀奖（15 首）

347

竹海吟

何处流连赏猗绿，洪山竹海清穆穆。
万亩寒碧抱丘山，袅袅烟霭出桃谷。
幽响泠泠隐虞韶，清飙送爽翠如沐。

此间宜雨亦宜晴，晴铺琅玕雨流玉。
竹林深窅白云闲，对此可以洗尘目。
却看八方游客频，有人素衣倚修竹。
君不见桃花江是美人窝，美人竹海相赓续。
美人恰为竹海魂，竹海堪作美人读。
君不见绿竹猗猗抱龙孙，人家居处食有肉。
擂钵嗡嗡响青山，擂茶巧果皆不俗。
君不见竹农妙手织乾坤，山乡巨变仓廩足。
对此可以慰灵均，不必天问台前长歌哭。

970

水龙吟•桃江屈子钓台有怀

问天前路何方？众芳摇落留无计。连天竹海，绕山云雾，陆离长佩。故国凄迷，美人迟暮，暗伤憔悴。借松木烹茶，月光煮酒，有谁解、其中味？

但为民生心碎。自怀沙、可曾归未？流光不老，钓台犹在，幽情长寄。月洒江皋，风梳杨柳，梦中三酹。近端阳试问：兼旬苦雨，是天流泪？

216

登天问阁遗址

鱼龙隐约雨风兴，岂以台荒废一登。

发出人间天问处，千秋自是最高层。

023

游桃江竹海

青山谁种翠琅玕，绿海苍茫一入寒。
千顷云生堪蔽日，四围风起漫听澜。
身轻觉我来蓬苑，心静凭何慕冕冠。
况爱溪旁春笋熟，仙家岁月有清欢。

355

咏桃江竹文化十二韵

连山俱是竹，苍翠拂云长。
润借烟霞色，清涵雨露光。
夏阴销燠溽，秋韵奏笙簧。
不厌朝昏坐，但知荣辱忘。
一乡人自巧，百制器尤良。
才讶风生席，还嗟月满筐。
雕能穷万物，饰许致千祥。
名久闻中国，富皆奔小康。
创新登绝顶，传艺涉重洋。
更学虚心静，兼师直节刚。
精神承未坠，文化炽弥昌。

今值春盈野，碧霄看凤翔。

374

游桃江竹海

是海无船乍可游，翠岚轻弄紫烟浮。
三军队列严如令，一阵风翻势欲流。
云卧来当登岸石，月弯为作渡人舟。
馀波分与桃花水，便有芳名动九州。

687

游桃花江竹海

千重竹海锁山门，无限风光势欲吞。
拔节冲霄开境界，虚怀抱朴隔尘喧。
林幽自可生禅意，心静方能种慧根。
悟得此间天地好，欲除一角度晨昏。

120

桃江行

桃江有桃更有竹，一能予美一予福。
朵朵枝枝映在波，岁岁朝朝荣在陆。
怀王未有勤政时，唯把忠良勤放逐。
桃江曾是逐臣家，慷慨问天真如哭。

鸢鸟不群遭网罗，九坑九岗孕九歌。
美人香草诗中出，此间宜是美人窝。
我今来此生万感，不觴不咏待如何！
世事千年变泰否，诗家幸或在迁徙。
油香茶绿乐天民，今日桃江非昔比。
已知地与人互存，信史在口不在纸。
怀古再看桃竹时，一一有情倍觉美。

206

游凤凰山感赋

因感三闾事，登临觅古台。
江磨山有骨，客近鸟无猜。
阅世存千惑，披襟问九垓。
青云舒卷处，许是凤凰来。

209

桃江天问台

林阴蔽日势参天，水抱残碑峻壁前。
故国烽烟成远忆，谪臣气节共流年。
苍生愿织孤怀结，碧落情询百问篇。
遗世文章开九派，教人一读一潸然。

364

闻紫若卜归桃江故里
一棹桃江水，千秋碧十分。
不亲尘世外，只许谪仙人。
香漫花三月，峰羞雾几晨。
闻君将欲往，诗意在归真。

694

卜算子·咏竹

傲骨与梅同，抱节堪松匹，气若幽兰洁似莲，更有虚心质。 护
得万家安，染得千山碧，时引清风笛韵来，好和春之律。

818

鹧鸪天·游桃江品桃花江酒有寄

翠染襟怀步自闲，悠游疑是入瑶天。囊中竹福归臻品，脸上桃花
为赧颜。 春入席，酒开坛。香风吹到白云边。一壶星斗三更月，只
羡逍遥不羡仙。

936

鹧鸪天·桃江咏竹

萃得乾坤灵秀饶，此君长共美人娇。清姿拔地连千里，高节排云
到九霄。 为妙器，作佳肴，富民含笑一身抛。经霜沐雨欣成实，赢

取东西彩凤朝。

128

竹海清风

桃林竹海绿苍茫，花月曾医屈子伤。
把臂重来向天问，醉人更染满襟香。
旧为黎庶逃秦地，今作心灵放牧场。
招得清风同我在，年年楚些总悠扬。

楹联类

一等奖（空缺）

二等奖（3名）

250

题竹乡桃江

竹海轻摇竹浪，看翠色绵延，在流水声中，白云堆里；
桃江犹胜桃源，沐清风袅绕，寻七贤逸气，五柳闲情。

050

谒天问台

江水鉴兴亡，凭谁叩问当年，一种精神同月古；
凤凰堪仰止，爱国应思此处，千秋儿女谒台前。

339

题桃江古天问台

忧国万千情，击节而歌，楚畹兰馨原有梦；
问天三百句，含悲以泣，桃江水涨岂无痕。

三等奖（6名）

455

题桃江竹海

岂止有材？看劲节万竿，撑起桃江天一角；
当真好客！过春风十里，唤来竹海浪千重。

678

题桃江

万亩翠连云，桃江山碧，竹海风清，一叶舟从波上渡；
重峦霞映日，纵目问天，忧心呵壁，千秋事在画中传。

351

桃花江竹海抒怀

堆青入画，涌碧如涛，放胆寄行舟，云是悬帆山是海；
镌竹有声，问天何语？临风酬往哲，时传芳信物传神。

530

诗画桃江

夹岸璨桃开，逢春有美而歌，七十万人居胜境；
登山馨凤舞，洗耳向天以问，二千余岁是仙乡。

625

桃江竹文化

居无俗境，食有龙荪，傍竹海清幽，此地人家皆享福；
刻简流香，编丝成器，问乡愁浓淡，桃江风物最倾心。

505

题桃江竹文化

斯文载简，清音入笛，五千年犹自青青，相逢天下皆知己；
高节成林，秀色连云，三百里蔚为浩浩，认取桃江是故乡。

优秀奖（20 名）

375

竹

长梢带雨，密叶留云，披襟自许为知己；
孤影摇风，高标医俗，闻笛何堪忆故园。

648

咏桃江

以竹做文章，要将君子之风，植入桃江山水里；
凭诗添色彩，不让大夫之韵，埋于岁月浪潮中。

628

题桃江地域特色文化

竹秀万千丛，劲节虚怀，到此宜交君子友；
桃燃三四月，生香活色，问谁不恋美人窝？

161

何以慰诗人，藉战鼓喧天，水上神舟争大捷；
勇而挥梦笔，揽修篁蔽日，云中凤藻响环球。

172

题桃江

峰峦叠翠，江水流蓝，久留连万顷幽篁，灵均故里春光美；
茶海飘香，楼台焕彩，频顾盼千年胜迹，墨客诗中画意新。

264

桃江竹文化——竹旅竹乡

来画里写真，看一路走红，三湘出彩，文旅已成风景线；
把镜头拉近，喜千山拔翠，四海传馨，桃江不负竹乡名。

381

屈子当年一问天，名千古，文千古，精神千古；
桃乡今日齐追梦，山放歌，水放歌，理想放歌。

580

问天鉴屈子悲吟，竹海起风时，入耳听来皆叹息；
探月承骚人壮志，石台醒梦处，凝眸望去是星辰。

675

题桃江花园洞村

群山聚秀，碧水钟灵，天厚之乡，能壮屈公才笔，能安墨客心魂，不
愧为人间绝唱催生处；
古宅弄幽，良田铺锦，民淳之地，可观画意兰花，可探诗情林海，果
然是世外桃源复制村。

665

题桃江竹文化

修竹作轻舟，拓路而行，产业腾飞圆绮梦；
小康舒广翼，排云以上，宏图勾画树高标。

343

题桃花江竹海

葱翠漾桃江，绿意悠悠，竹海翻腾生态韵；
苍茫涵古色，青山历历，明珠镶嵌美人窝。

384

题桃江竹文化

玄根遍地，碧干凌云，负势有龙孙，气度许如君子器；
赤县峥嵘，银城砥砺，争光开骏业，潇湘崛起美人窝。

450

题桃江竹海

入诗则傲，入画则幽，千载清名留笔底；
以菊为俦，以松为友，无边秀色到江头。

521

题桃江

文明底色桃花印；
幸福音符竹海歌。

537

竹事说纷纭，板桥画，苏子诗，傲骨虚心，引万里游人，争到此间寻觅；
桃江撑碧翠，唤清风，摇瘦影，凌霜斗雪，教一方产业，长从节上攀升。

458

屈原原有意，看江畔桃林，百十里之中，香草美人关社稷；
天问问无声，幸台前石壁，两千年而后，清风明月朗乾坤。

330

题竹海桃花

又见桃花，遇美人来，竹外两三枝，已是春光无限处；
仍怀楚思，逐香草至，天边千万里，犹行梦境有情舟。

651

题天问阁遗址

凤岭依然，想当年呵壁问天，香草犹余君子气；
鱼台何处，看尽日流红涨绿，桃花恰似美人魂。

287

屈子钓鱼台

两千年去国离骚，惟我清醒，江上烟波垂钓客；
八百里流云浣月，共谁孤独，心中兰芷问天人。

题桃江县联

登桃骨山而吊古，想屈子行吟，魂牵香草美人，洗却红尘情未了；
入花园洞以寻春，看骚朋醉赏，怀抱茶乡竹海，携来碧浪福无边。